

度
支
奏
議

度支奏議目錄

新餉司三卷

密鎮班軍 皇賞疏

覆督餉道張志芳被誣尅扣疏

積逋如故回 奏無期疏

誥 勅粵西照數起解遼餉疏

辨周夢尹借欠馬價疏

捉獲假印涂良遇等據實題叅疏

覆御史劉有源酌定稅契疏

題覆田錦衣條議餉運疏

通算元年餉遼之數疏

舊逋未完新餉又集疏

題議工部分餉二十萬疏

題覆錢法堂謹抒一得疏

題請差官守催臨德米折疏

題請差官守催新餉疏

題覆督餉關運効勞疏

題覆督餉鮮運効勞疏

題覆東撫減運鮮糧疏

度支奏議卷之三

太子少保戶部尚書淄青畢自嚴視草

密鎮班軍 皇賞疏

題爲

皇賞事專理新餉山東清吏司案呈崇禎元年十一
月初三日奉本部送戶科抄出薊遼總督喻安
性題前事等因本年十月二十九日奉

聖旨戶部知道欽此欽遵抄出到部送司案呈到部
該臣等看得軍興旁午計餉轉窮借生息於國

府已是削針之舉採鑄本而烏有竟同緣木求
求尚可通融正煩借箸案查臣部於崇禎元年
四月內類覆省直鼓鑄疏據密鎮呈稱天啓五
年間該鎮鼓鑄用本一萬獲息七千以助

大工有利當開業已奉有

俞旨欽遵在案隨據管餉郎中和于朝申請新餉以
作鑄本柰今缺餉未補庫儲若洗無以應也復
請督撫之軍需三空四盡各項借用未還亦無
以應也近督臣以河南山東各營班軍查照原

額二萬四千員名每名該給有

皇賞銀二兩共銀四萬八千兩如照額分給祇供乾
沒侵剋之用議以見在頓開之銀速催解鎮暫
充鑄本以覓息俟各軍過堂之日行令各道哨
名給散若有缺額併逃亡事故者仍扣留還官
及所餘鑄息類總

奏報抵充該鎮鑄本誠便計也臣復以前項銀兩
數目果否相符存貯有無在庫未可懸度隨備
咨樞部行查去後隨准該部咨開河南班軍應

給銀二萬三千二百二十兩已派工部出辦
東班軍應給銀二萬四千零二兩已派太僕寺
出辦回覆前來則此四萬七千二百二十二兩
之

皇賞原屬見在所當速行解鎮以副督臣調劑之苦
心可也既經具題前來相應覆

請恭候

命下臣部移文工部及太僕寺與煎遼總督併劄案
鎮糧儲一體遵奉施行

崇禎二年正月十二日具

題本月十五日奉

聖旨這班軍皇賞銀兩着工部太僕寺措發暫充鑄
本侯各軍到日仍與給賞毋虛朝廷德意該衙門
知道欽此

覆督餉道張志芳被誣尅扣疏

題爲尅扣非法盜賣有據伏乞

乾斷以恤旣竭之膏脂拯待斃之民命事專理新餉
山東清吏司案呈崇禎元年十二月十四日奉
本部送戶科抄出天津巡撫崔爾進題前事等
因本年十二月初五日奉

聖旨這所奏查核張志芳王學易等並無扣尅盜賣
等情欸項甚悉辛思齊顯是捏奏該部知道欽此
又奉本部送戶科抄出督餉御史錢士貴題同

前事奉

聖旨已有旨了該部知道欽此又奉本部送戶科
出巡按直隸監察御史陳膺謨題同前事奉
聖旨已有旨了該部知道欽此欽遵通抄到部通送
到司案呈到部爲照錢糧一經清查卽錙銖難
爽矧數以累萬計也止緣原任叅議今爲民辛
思齊見道冊內有朋造底價下腳三項之名遂
以此許原任餉司今陞督餉道僉事張志芳
據天津道所查報督餉撫按所覆覈無不一

清楚如朋造以備船隻失風之需下脚以防掛
欠追賠之累不過暫留之官仍歸之船戶至底
價原未另貯卽在運價之內通融支放辛叅議
曾報節省銀八百四十七兩張僉事曾報節省
銀九百一兩四錢俱以奏抵七年分出關添價
銀一萬九千之數誰非通融支放于運價內者
而謂其爲尅扣耶至運船既有官買民募之殊
回空又有失風截留之異則回津之數安能與
發運之數相符盜賣之說委屬無因不待辯而

自明矣臣部職司錢糧今錢糧既已清查
自難更爲苛求相應據實具覆伏乞

命下臣部移文各該衙門將前項錢糧一體遵照開
銷施行

崇禎二年正月十八日具

題本月二十日奉

聖旨這錢糧既查覈明確准與開銷該衙門知道欽
此

積逋如故回 奏無期疏

題爲積逋如故回

奏無期舊歲之缺餉未完春正之新額又集懇乞
特旨責成以拯危遼事專理新餉山東清吏司案呈
到部爲照先該臣題爲申飭法令告窮積欠遼
餉無措懇

勅省直諸臣速催起解并令自行回

奏以儆積玩以解倒懸事奉

聖旨遼餉不繼軍士待哺甚急除加派新餉嚴催徵

解道雜項銀兩積欠數多依議先解一半應
課俱着通完加派餉銀歲裡解入如有遲怠將
政司鹽運司官從重處分該撫按鹽臣年終仍將
各項銀兩完欠數目自行回奏其公費一項着量
減助餉江浙拖欠并淮揚借用着作速清查補解
丘兆麟張夢鯨紀錄優轉悉如議行欽此臣隨即
移文省直知會竊謂在外諸臣必惕然於

天語之震肅回

奏之難逃源源起解接踵而至矣不意外解零星

緩不濟事遼左無日不向臣部行催臣部無日
不向省直行催臣部見遼左之文如湯火在身
省直見臣部之文如浮雲過眼也臣竭盡心力
搜索無餘凡關鎮但有支剩節省等銀分毫悉
爲扣抵乃去年關內外十二月分額餉尚未完
結而各鎮月餉召買等項尚需三四十萬方得
結崇禎元年之局光陰如流二年正月又將盡
矣臣部歷一日如添一日之重負省直捱一日
且偷一日之晏安控之無益叩之不靈臣部堂

司相對啼噓如何措手且督師約畧錢糧
一疏責臣部以預先積貯按月待支今屆春
尚不能找完舊帳因仍壓欠何時底止使邊
掣肘而不能展其大舉之謀臣部嘔心而不能
效其轉輸之力不謂非在外諸臣貽之也加派
銀兩五年以前奉

旨蠲停不具論六七兩年分省直共欠近五十萬
禎元年分如南直隸原額六十四萬有奇今
欠四十一萬有奇浙江省原額四十二萬有奇

今尚欠三十三萬五千有奇雖浙江有文到部
報起解二十萬然該省之預報每不足憑如舊
歲七月內報起解十二萬延至十月止解到銀
八萬五千則今日所報虛實尚難憑也此猶借
口有水災也若江西省原額三十三萬有奇止
借壓徵爲辭比別省遲解一年且遲解一年而
猶然多欠今屆崇禎二年各省二年分預徵有
報起解者矣而江西崇禎元年之額固分毫不
解卽天啓七年尚欠一十七萬有奇是該省壓

解兩年也該省可稽延於兩年之後開宣
能枵腹不食以待兩年否雖南直浙江江西三
省尚有帶運遼米未經銷筭然三省之逋欠實
較各省獨多倘各省皆如此誰爲

朝廷應封疆之急哉雜項銀兩臣原疏不敢從前開
欠止求將天啓七年崇禎元年兩年欠額十分
之中先解五分應急便可得一百餘萬業已奉
明旨矣而外解竟爾杳然卽有解者亦些微無當實
用如鹽課銀兩壓徵者間完舊數見徵者任意

拖延亦可謂急緩極矣夫起解銀兩猶曰兌發
費時若造冊易易事耳臣於舊歲九月初一日
具奏遼餉不敷一疏請將雜項九款額數未確
者行令省直認定以便會籌遼餉入額并查府
州縣上年免

覲及雜支公費銀兩查報助餉業已奉

旨限三月以裏具實造冊奏報臣復恐造冊參差未
便

御覽并頒刊冊式移文各撫按督率有司遵行乃省

直竟置之高閣矣曾經具疏而無細冊者止
西一省草草達部而未具疏者止山東陝西
省而餘猶未也又雜支公費一項爲數頗夥若
肯清查捐助可立得數十萬爲數不貲而有司
多各不肯割撫按概沉不具

聞夫已奏報之

明旨若何而付之可有可無三月之

欽限若何而付之可緩可急則遼餉出入之數當

何日衡其平也臣每遇省直仕紳細詢加派

餉完欠無不云開徵最蚤完納最先民間非不急公

國家不得實用豈州縣已徵在官而不解耶抑州縣已解司府而司府不轉解耶危漏何因那移何事誠不能爲之解矣除河南省加派完解獨先該撫及該布政司已經奉

旨紀錄山西山東續經報完撫臣耿如杞藩司唐嗣美沈珣臆勉急公并應特加紀錄以示激勸其他省直不惟起解無日并覆

奏無聞伏乞

皇上特勅各該撫按鹽臣恪遵年終回奏之

旨速將該解銀兩完欠數目自行回

奏并將雜項九款免

覲雜支等項銀兩速照臣部發去冊式查覈妥確具
疏

奏報仍將所轄有司拖欠之尤者摘叅數人降革
離任其布政司鹽運司之遲怠者并令各該撫
按俱遵原

旨從重處分勿復以叅罰止托之空言而使人漫無顧忌勿復以查叅再諉之臣部而借口完欠差訛庶內外痛癢相關遼事結局有日矣至於擅留遼餉

明旨屢禁乃淮安府借用遼餉銀三萬七千有奇揚州府借用遼餉銀二萬七千有奇已經臣部前疏奏聞奉

旨清查補解而該府竟置不問豈其五六萬金遂可含糊了事并當勒限解部以應急需者也伏乞

欽下臣部移文各該衙門一體遵奉施行

崇禎二年正月二十七日具

題二月初一日奉

聖旨省直各官屢經申飭拖欠如故卽年終回奏亦
奉旨杳然好生違慢你部便將拖欠最多撫按官
指名叅來議處該衙門知道欽此

誥 勅粵西照數起解遼餉疏

題爲借留遼餉歷奉

明禁伏乞

亟勅粵西照數起解以補缺額事專理新餉山東清
吏司案呈准督餉御史錢士貴手本爲嚴催新
餉以濟急需事內開據廣西布政司經歷司呈
稱奉本布政司劄付據經歷司呈抄案查廣西
歲額遼餉六萬九百一十七兩三錢五分內除
二萬兩奉

官留格增兵歲實解部四萬九百一十七兩三錢
分續奉部文行令廣西措餉十五萬助黔粵西
荒瘠無可以應議將崇禎元年遼餉并襍項等
銀共四萬九千二百一十七兩三錢五分移解
黔餉隨於司庫那支二萬兩又奉撫院王尊德
動支銀六百兩作七年分贍罰解助黔餉共二
萬六百兩起解赴黔訖又詳支銀三百零九兩
給解官爲水脚路費又總督兩廣軍門李行支
崇禎元年分遼餉銀三百三十六兩三錢五分

六釐通共解過黔銀二萬一千二百四十五兩
三錢五分六釐尚該銀二千九百七十一
兩九錢九分四釐伏乞本院達部覆妥等因到
院據此爲照元年新餉題留餉黔則各鎮月糧
又缺數萬之額煩查廣西省本年加派銀四萬
九百一十七兩三錢五分又雜項解部銀四千
四百兩原經何日題留覆

兇等因到司隨經移付貴州司行查去後隨准該司
什稱查得貴州總督先經條議會勦廣西免勘

兵止助餉十五萬疏中實無動廣西遼餉之
廣西何得借口助餉輒動遼餉其張總督二
萬之請尚無定議而會勦之舉亦無成筭也况
黔餉遼餉各有項欵似難混淆等因到司案呈
到部該臣看得遼餉有正項有雜項皆爲遼東
設也旣爲遼設當專爲遼用乃各省地方有事
輒指此項爲長物而請借請留東割西裂致遼
餉缺額一百二三十萬無從措處見舍本來之
固有而另商分外之補奏臣以爲皆一時苟且

之計也如黔事一起遂留湖廣加派銀六十餘萬而各省之零星留用者不與焉遼代黔受加派之名黔奪遼口中之食黔之累遼亦已甚矣乃貴州總督查照舊例不助兵而助餉索餉十萬於粵西粵西撫臣王尊德曾具疏請將遼餉那解黔餉已經臣部覆奉

明旨不允其請移文催解不知該省何所憑而慨然以遼餉二萬有奇應之且水脚路費不取資於羨餘而開銷於正項亦大可訝也粵西雜項額

該一萬七千六百兩詳省止認八千八百兩
天啓四年該省有援兵安家行糧之請臣部
允量留一半然止就一年論也五年六年仍令逐
鮮部原疏甚悉而該省輒稱奉文歲以一半鮮
部一半鮮黔長留雜項銀四千四百兩又何說
也目下關鎮兵數清汰將定臣正擬通算出入
之額而舊歲各處月餉缺欠甚多尚未結局與
西之加派雜項應以天啓六年爲始徹底清查
刻期鮮部充餉萬萬難貸分毫以啓省直觀望

之端至於黔中索餉於粵西粵西何能強炊於
無米臣更有說於此案查天啓四年該省爲增
兵之議已於省城圍練兵二千矣復於蒼梧增
兵三千以備徵調具疏請餉臣部爲援黔計自
不得不爲粵兵計量於加派原額六萬有奇之
中准留二萬兩以供蒼梧之用今黔旣止需粵
之餉而不用粵之兵則粵西長留此兵亦復何
用當撤其援黔之兵而留其餉爲解黔之餉因
物付物事理甚明奚煩再計又查粵西自天啓

三年至七年原任廣西巡撫何士晉節省搜括
共得三十萬金抵解遼餉而民間竟不知有加
派之苦此外尚設處常平軍需七萬一千五百
以垂永利是粵西雖稱荒僻而有人焉爲之著
心經畫亦自能以開節之道補風土之偏多在
補湊儘可以舒鄰急是在該撫加之意耳伏乞
勅下臣部容臣移文該省撫按速催加派雜項銀兩
照年照額星夜起解仍將蒼梧所增援黔之兵
設法撤散其舊留蒼梧兵餉銀二萬兩轉解黔

省抵充黔餉則遼額不虧而黔亦有濟矣

崇禎二年正月二十八日具

題二月初一日奉

聖旨粵西遼餉已有旨不許借黔這加派襍項從天
啓六年爲始俱着按額解部餉遼黔既不須粵兵
蒼梧增兵設法議撤其餉轉解黔省抵餉內助解
黔餉一欸數目不對查明再奏又落一字填補行
欽此

辨周夢尹借欠馬價疏

題爲遵

旨回奏借欠馬價以祈

勅追明法事專理新餉山東清吏司案呈崇禎元年

十月二十九日奉本部送戶科抄出兵部車駕

司王事周夢尹題前事等因本年十月二十六

日奉

聖旨馬價軍國急需如何不奉明旨竟自借發這兵
部三司借用銀四萬餘兩查照本內事理俱着扣

還其武庫司原設柴炭銀兩因何不敷該司等
官查奏順天府及南車駕司借用銀作速催補
士四衛營心紅弓矢銀兩照天啓六年例給與
戶工二部自應給發不許借諉太僕寺該衙門知
道欽此欽遵抄出到部送司除事隸兵工二部並
順天府聽各該部府覆奏外其加派安家相應
摘覆案呈到部爲照太僕馬價一項該兵部主
事周夢尹徹底清筭亦節浮之深意也第疏題
天啓元年四月間職方司准薊遼總督咨借

馬價五千五百五十七兩零八分原議戶部新
加派安家馬價銀到支還乃戶部新加派銀已
到許久而漫不扣償應着戶部追還等語臣等
不得其解隨查安家一項萬曆四十八年間臣
部覆會議疏每畝加派七釐再加二釐爲工部
造器械併兵部募兵安家之用自萬曆四十八
年起前項銀兩俱經兵部支銷臣部未嘗過而
問焉然原議募兵先日歸還臣部至天啓二年
八月內始奉歸還之

則周主事所指元年春借之馬價尚在會銀
臣部之先有無清筭止宜問之職方司與臣部
毫無干也茲奉

明旨將借用銀兩照本內事理俱着扣還臣不得不
備悉始末仰瀆

宸聽伏乞

勅下兵部將元年職方司所借馬價有無補還自行
清筭免致以不相干之牽扯成不結局之事件

臣部幸甚既經具題前來相應覆

請恭候

命下遵奉施行

崇禎二年二月初五日具

題本月初十日奉

聖旨這天啓元年咨借馬價既在加派餉銀未歸戶部之先着職方司自行清奏該部知道欽此

捉獲假印徐良遇等據實題參疏

題爲捉獲假印假文謹據實題參伏乞

勅下法司嚴行訊究以肅法紀以懲奸宄事專理新
餉山東清吏司案呈本月十二日據都吏惠汶
稟稱有徐良遇於十一日晚來部查問商人胡
象泰允領錢糧劄付號簿汶回他並無商人允
領劄付似屬假僞等情本司聞之不勝駭異隨
差當該李養治一面尋向徐良遇家內守住一
面差皂役捉拿徐良遇并胡象泰周亮到官即

於徐良遇袖內追出偽印劄文一紙內開
臨清鈔關稅課銀四萬五千三百兩前往買辦
銅鉛等因及驗印紋與本部印信大小迥異
押並屬假僞審據胡象泰供稱徽州府休寧縣
監生在京與表兄任應期守選州判聞戶部題
准

欽依招商買銅要具呈告領臨清課銀四萬五千兩
有同鄉周亮說戚揚宇云有黎旭初係部司事
辦將呈結認狀收去本月初十日將劄文付過

因友人余良遇於十一日晚赴部查係假文欲
要挾詐戚揚宇并黎旭初之銀黎旭初荒懼走
向余良遇家抹頸隨送至戚揚宇家睡臥乞行
拘問等情又據周亮供稱有戚揚宇曾與同席
一次前月十八日到前門上遇胡象泰云新有
題本各鈔關錢糧許招商買銅意欲領臨清關
錢糧到司通呈適戚揚宇亦到問知前繇云我
有相知在部可以做得不必你去投遞亮因一
面亦云彼既做得亦省自己費手胡象泰云做

得下來自然酬謝別去數日戚揚宇復來尋
同到胡象泰家說呈已准了咨出要謝銀四百
四十兩還有一姓黎的同來及到二月初十日
戚揚宇同黎旭初進城尋亮同到胡象泰寓取
銀亮說有咨方可取銀黎旭初手裡便拿出咨
來胡象泰疑其太速因央徐良遇查問方知假
僞當要挾稟黎旭初刎頸見卧戚揚宇房內等
情隨卽押拿戚揚宇并黎旭初去後戚揚宇
逃止拘黎旭初到官供稱旭初原係湖廣江夏

縣人正月二十三日途遇戚揚宇說有候選州判任應期胡象泰幹討臨清錢糧肯出分上銀四百四十兩叫我做一個中人待事成日分幾兩銀用是戚揚宇把假咨付我今見事露他云我去尋幾兩銀子替你完事不意戚揚宇脫逃移禍旭初等情據此該本司看得召商買銅止以飽奸商之腹職屢次陳稟蒙堂自方禁革自受事來並未常以一文錢召商允買竊謂弊竇一清矣不虞有胡象泰與任應期密計鑽營耶

黎旭初與戚揚宇乘機設騙偽造假文希圖
奉等四百四十金之謝真貪利玩法罔不畏死
者也及究假印出自何人之手黎旭初盡卸於
脫逃之戚揚宇據稱十一日涂良遇赴部查問
偽劄事已敗露此時揚宇尚在旭初何故懼罪
自刎十一日之夕旭初尚與揚宇同榻而眠何
以甘心聽揚宇脫逃而去且云十二日揚宇假
以出門尋銀替旭初完事遂不復返事既係揚
宇自作何云替旭初完事一段情景出衆口併

出旭初之口已成不磨之案矣周亮共張騙局
罪固難逭涂良遇赴部清查卽應舉首私行要
挾亦屬非法且假劄封筒年月皆係刷印原刊
崇禎元年改作二年假印肆行當不自今日始
也除行五城兵馬司星火密緝戚揚宇等到官
候審并將已到各犯發中兵馬司監候外相應
叅送法司并提戚揚宇逐一研審依律正罪庶
無漏網等因呈堂奉批准題叅奉此題叅開據
中兵馬司緝獲戚揚宇并仵應期到官申解到

司審據戚揚宇供稱揚宇曾與周亮相熟正
十八日偶遇周亮說胡象泰要領臨清鈔開錢
糧買銅你有人熟否揚宇應承有人相熟隨向
未到官鍾弘軒商議鍾弘軒說有黎旭初是戶
部書辦可往問他揚宇卽同鍾弘軒尋向黎旭
初家說合黎旭初當卽應允隨往胡象泰家取
了呈子付黎旭初黎旭初于二月初一日說呈
子批准司查與戚揚宇周亮相到胡象泰家議
定謝禮四百四十兩先對銀二百四十兩卽放

胡象泰家內說過有客交銀楊宇又與周亮同
黎旭初走到戶部頭門外黎旭初叫楊宇與周
亮在門外等候黎旭初自進儀門一轉卽于袖
內拿出手摺一個面用條記印一顆說稿已施
行至初十日黎旭初方持部劄交付戚楊宇周
亮等衆見印色淺淡疑其不的叫胡象泰自去
部中打聽方知假僞楊宇只要領銀事成好分
幾兩謝禮不知部劄假僞覆審黎旭初又稱去
年六月內曾在本部貴州司民科作貼寫書辦

至本年九月內出缺前項假文是浙江人馬雲做的在安福衙衙居住各等情至審任應期與胡象泰口供相同該本司看得黎旭初性險機深心雄舌辯據其假充部役影射設騙之情業已盡供於衆口乃不自悔禍巧圖脫卸初因戚揚宇之脫逃卽誘假文於戚揚宇繼因戚揚宇之對質又誘假文於馬子雲改頭換面展轉支吾且不獨僞劄中一印爲假也初持淮稿以示人手摺上已用條記一顆似乎諸印無所不

備者今黎旭初俱俛首承認矣而盡誣爲馬子
雲所爲堅稱不知情也其誰信之自非嚴刑鞠
訊豈肯吐露真情除行兵馬司速提馬子雲并
鍾弘軒到官對質外合無亟行題叅等因案呈
到部該臣等看得錢局銅本原派於各關稅課
先時亦曾召商領買自臣承乏以來熟知奸商
騷騙掛欠得不償失業與該司細加叅酌雖有
陳乞一槩禁革誠有鑒於前此之滋弊也胡象
泰與任應期何物么麼輒敢妄圖射利鑽管窟

穴致神奸之局乃黎旭初與戚揚宇一充
事之人一充部司之役遂僞造假印假文公然
付與象泰等以圖數百金之重謝目中尚知有
天日有王法哉且封筒年月出自印刷元年改
作二年幾與部文無異儘可以假亂真覽之令
人駭異則假印假文必不始於今日亦必不止
於胡象泰一事也明矣且先出准稿一紙稱有
條記印文僞稿雖未見獲而黎旭初業已招承
則公行詐僞不止臣部堂印一顆也又明矣竊

兇極惡展辯百端然入部而持條記僞稿者黎
旭初也出部而交僞印劄付者黎旭初也事甫
露而懼罪自刎者亦黎旭初也黎旭初能盡却
於改口再報之馬子雲哉是在法司嚴刑拷訊
起獲原印覆令鐫刻以正典刑可耳戚揚宇爲
始事之人居間說合周亮爲戚揚宇之黨謀利
瓜分何云原不知情奈良遇不能先時舉首止
圖後事要挾倘非該司設法拘繫豈肯遽出耶

中相原題

請伏

初下法司即將見在黎旭初等并提馬千雲等到
嚴刑拷訊異見原刻假印假條記今匪何處刻
假印寫假劄者的係何人封筒刻自去年
別行詐偽徹底窮詰盡法究擬使亂法之徒不
至漏網庶法紀震肅而奸徒自戢矣至於鄭

范鑛摘發大奸不動聲色罪人斯得

國謀有裨所當紀錄優敘者也統候

聖明裁督施行

崇禎二年二月十九日具

題本月二十三日奉

聖旨各犯着送法司嚴行究問務獲假刻印記真犯
實情盡法正罪范鑛着吏部從優紀錄

覆御史劉有源酌定稅契疏

題爲

國計告匱邊餉不支謹竭芻蕘之見以效涓埃之
助事專理新餉山東清吏司案呈崇禎元年正
月二十五日奉本部送戶科抄出陝西道監察
御史劉有源題前事等因本年正月二十二日
奉

聖旨稅契屢旨通行這所奏分定額數以便催解該
部還酌議確覆欽此欽遵抄出到部送司案呈到

部該臣等看得遼餉雜項各款止稅契爲自然之利益惟家溫者能置產旣非浚削貧民而僨樂輸者以急公亦非苛求守令臣部先於遼餉不敷疏并覆工部郎中吳炳應詔陳言疏創爲定額之法擬以州縣上等每年可得二千兩中等可得一千二百兩下等可得六百兩又舊例稅銀每兩三分臣部減定二分且改五年小造十年大造爲逐年一造之例正以銀數定則稅額亦定過割速則徵納亦速業已兩奉

明旨通行申飭矣今御史劉有源慨然於催解稅契
未得肯綮謂宜較量各州縣地畝多寡戶口饒
瘠之常分爲上中下三則以定額上則每年三
百兩中則每年二百兩下則每年一百兩產業
交成卽行過稅隔年者罰稅倍之勒限有司年
解一年每契價一兩止稅一分調劑盈縮著定
成規允與臣部之原題兩相符而於臣部之匱
乏深相濟也但查稅銀舊例每兩三分近改二
分新奉

明綸通行省直未便倏忽更改至於上中下之額
部頒有冊式同各款雜項行各省直查取尚未
造報合照臺臣奏內事理再行申飭各該省直
作速將所轄州縣分定上中下三則認定稅額
遵依臣部原行同雜項造冊

奏報以便責成至於各州縣地畝多寡戶口肥瘠
萬有不齊俱聽各該撫按督率道府實心查酌
在殷富之地卽如臣部原擬額數不爲多在瘠
瘠之鄉卽如臺臣今擬額數不爲少普天之下

均屬王臣急

國據忠想有同志當不至草草塞責復使

朝廷有用之金錢止充私橐而地方高下之差等終
苦不均也既經具題前來相應覆

請恭候

命下臣部移文各該撫按遵奉施行

崇禎二年二月二十三日具

題本月二十八日奉

聖旨是欽此

題覆田錦衣條議餉運疏

題爲遵

旨查覈回奏事專理新餉山東清吏司案呈崇禎二年二月十六日奉本部送戶科抄出督餉御史錢士貴題前事本年二月十四日奉

聖旨這問擬成配各犯分別革任調罰留用各官及原疏汰客兵省腳價二款該部再行覆議具奏餉道不必裁併該衙門知道欽此欽遵抄出到部送司案查先該錦衣衛帶俸都指揮使田弘遇奏

爲

聖恩高厚難酬謹進宿積火硝以佐捷伐并陳目擊
利弊以裕軍

國事內開三款一曰裁冗員以專事權夫設立督
餉部院以統轄關鮮兩運復有天津道以資彈
壓足矣乃又添設一督餉道以增供億之費何
爲也近見道臣辛思齊已經臺省糾劾奉

旨勘處矣然作奸犯科實繁有徒如截漕一事部院
題定尾幫漕船鱗集楊村上下乃反截河西發

江北之各幫者則積書章偉尹承祖彭士昌串
通河西鈔關書辦章傑受每船十八兩之賂也
及至兌糧又設局開騙每船復增至二十四兩
而免飾颺矣如排造運船例應僉派殷實之家
乃富民賄脫貧戶獨排至有離散而死者則
旗鼓中軍等官通同書快以查訪爲名而賣富
派貧也况造船止八十三隻而被害者數百家
四境騷然何以堪此如民船運糧不用巨艘而
封貼小舟以致風浪突起載胥及溺則李延王

三鳳鄭登雲于從朴憑城倚社各占大船數
隻爲餉道廳差裝載私貨貪一石四錢二分之
厚利也如上船皆好米而運至關鮮交兌反多
浥爛不堪則總運守備陳于朝耿應魁與船戶
貓鼠同眠每糧上船開艙先偷賣好米插和糠
秕沙土又用天靈蓋斑毛甘草石灰等毒藥每
石可出加二三臨時買囑收糧委官通同作弊
水兌散軍一經風日皆朽壞矣先年贊司萬郎
中曾經關臣吳之仁題歸天津餉司至今稱便

臣以爲天津原設兵道應以餉道運務歸併責成不獨事權專一旦省公費廩糧月以千計興利除害莫有便於此者伏候

聖裁一曰清運弊以省腳價夫關鮮二運有官船有民船又設立總運立法非不嚴密而津門運糧之數多不符於實收以敲膏吸髓之糧不啻一粒一淚而半入私囊不充兵腹揆厥所繇皆因積書章偉彭士昌狼狽相依線索在手民間大船納銀三十兩中船納銀十五兩始免派運當

官運船每隻勒脩厥銀二十兩又索公堂鋪墊銀又扣棚樁下脚乃至脩艙無資船不堅牢掛帆出海一經風颶半屬飄流况官運者或以數百金而謀總運或以數十金而官一幫卽船戶立爲幫長亦索銀三兩總皆取給於糧餉運價以滿豁壑而市井無賴胥役奸徒且得借名運官腰金蓋黃甚至濫膺將領榮邀

誥命深足爲名器惜也蓋閩內之糧宜却南海口關外之糧宜却前屯中後寧遠覺華島筆架山太

小凌河等處東江之糧亦宜分卸各島臣見自
有遼事天津登萊南海口覺華島爭設水營官
造沙唬等船兼稅民船月給廩餉而從未聞奴
從水渡河上翱翔虛糜

國帑莫甚於此何不總計各營兵數船數再撥天
津之官民運船分隸各營某處卸糧若干分爲
幾運卽派船兵若干令其轉運憑功罪以定賞
罰弊不除而自清運不催而自速便轉輸而免
乾沒每歲可省

帑金三四十萬兩此斷斷可行行必有效者伏候
聖裁一曰汰客兵以寬物力夫新添營伍因爲策應
緩急防護

神京今通灣等處盡已裁革獨天津尚存標營振
武營冊上五千餘員名實無一半每兵一名月
餉一兩四錢自副將中軍千把百總每月支廩
有差天啓七年五月奴犯寧錦關外調兵天津
起行之時臣親見標振兩營軍士結黨鼓譟整
擁部院放砲吶喊勒要安家行糧每兵三兩晝

則攫奪市人夜則劫掠當舖地方居民不患奴
孽而苦兵擾問閭飲恨莫可誰何未到開門沿
途星散將及抵閩而奴事已退顧倩應黠之後
未領月糧悉入副將營官之橐矣總之調兵一
次卽有一場買賣卽如標營原額二千六百餘
兵今不滿千二三百則一半月餉俱屬花銷而
副將及中軍夏永錫旗鼓王業興門下仍各占
後左營右營葛沽營鎮海營之軍兵數百名如
皇賞各營每兵二兩止給一兩七錢及散賞之後標

振兩營外又追還一錢九分內司扣二錢六分
況標兵是西人振武營是河南人內司家丁皆
南人今皆變爲天津游惰雇覓招補二營尚不
及一營之數再一揀選留其精壯去其虛籍只
用遊擊督理而副將中千等官之餉可節省矣
若副將劉國柱惟知剝兵以供饋剝次及崔呈
秀舊吏門官坐推海運守備陳于朝耿應彪
比作奸皆爲遼糧大蠹至於每次截漕皆章
爲之主偉有三子國祥國瑞國卿分地割據

迴部院旗鼓韓嗣增表裏爲奸牢不可破於是
偉以書辦重賄而營咨守備饒以七千金而入
吏部僧道科章氏一門兄弟父子各擁數萬貲
財蝕盡糧運膏血盜帑耗

國罪在不赦所當亟提正法追贓充餉者也等因
題奉

聖旨這所奏天津餉弊臚列甚悉着督餉御史嚴行
查覈回奏火硝照數查收該部知道欽此欽遵該
戶科叅看得今天下三空四盡兆百姓困窮於下

一人焦勞於上乃以有限金錢被猾胥奸弁肆行
噬如錦衣田弘遇所陳天津漕糧營伍之弊
見叠出闕疏殊令人髮指而背裂也已奉

旨着督餉御史嚴行查覈回奏矣凡勘問衙門定當
逐款細究直窮到底使其掩飾難施追贓正法
以懲前而儆後庶狐鼠不敢縱橫而

國用民膏尚可補救於將來乎此輩卽係百足之
虫亦難寬三尺之網也抄出嚴之速之抄出到
部送司當卽移文督餉御史查覈去後今該督

餉御史錢士貴疏稱案行天津兵備右叅政石
聲請行提䟽內有名各犯逐款研審贓私及將
歸併餉道清汰營兵移會督餉部院崔爾進查
議去後隨准部院移稱汰冗節浮委是濟時急
著而津門根本重地極宜長慮而却顧者如關
鮮二運歲額米豆一百六七十萬斷非一手一
足之力先年設督餉道又設一淮津道共理其
事自兩道併爲一道而事愈繁責愈重矣簿領
千頭萬緒終歲焦勞食寢不遑形神交瘁尚恐

顧此失彼若欲裁之則餉務更有何人可以料理至於天津道自有本等職掌若地方兵馬錢穀刑名等項又新兼八府鹽法而各院巡歷往來瀛滄動經數百里大都一歲中止有數月在津耳安能兼理乎是督餉道萬難議裁仍宜照舊者也津爲水陸咽喉漕帆遼檣相錯如綉海道去覺華島一晝夜可達兵備安得不嚴而兵期於精餉期於覈近屢奉

明旨清汰查得標振等伍營已經汰去一千七百二

十三名歲省餉銀二萬八千兩有奇矣從此餉
無稽餉兵皆實兵萬全之道也等因移會到臣
又據天津兵備石聲諧行據河間府并各廳及
河間等縣將疏內有名人犯章偉等再三研審
明白除該部院旗鼓韓嗣增已供明其章傑河
西務兩次行查並無其人章國瑞等原屬乳臭
初不與事均應免議外將章偉等問擬招罪連
人呈解到臣覆審無異該臣叅看得津門重鎮

鎖鑰

神京百萬之飛輶關鮮繫命終歲之輸餽事絕
紛惟是錢穀之輻輳恒於斯而奸宄之蠹蝕亦
恒於斯廼今按原䟽之臚列叅以多官之會讀
并核對簿之口供如積書章偉尹承祖彭士昌
朋比爲奸隨事生騙卽其自招自認曰酒食曰
茶儀曰贊見不過文飾其詞而總之巧立名色
在在勒索以飽其慾壑者也偉賍至六百餘兩
承祖士昌亦不下八九十兩按律擬議分別處
配允當其辜若其他諸弁亦一一可按者問議

承領運務而船戶之侵漁罔察誨颶之漂沒難
稽則陳于朝耿應魁得準其微勞而改調猶爲
寬政矣問誰封貼民船而調劑垂大小之宜怨
誹來衆多之口則李延王三鳳于從朴得原其
急公而薄罰猶爲厚幸矣內查壞糧貼船等事
皆舊餉道辛思齊任內事彼其貪戾爭張一時
噴有煩言而各并旣屬經承亦應爲分咎焉耳
乃若兵丁鼓譟而安輯無方之夏永錫封船起
釁而暮氣難鼓之鄭登雲並從革任委不爲枉

至劉國柱到任在調撥兵諱之後而當官者
心任事之稱應不得律以前愆而仍宜策其後
効者也若夫清汰營兵自是經核實事今查伍
營已汰兵一千七百餘名每歲可減餉二萬人
千餘兩既澄虛冒之源已得節省之實無容更
議至關鮮二運仰給於津者歲額米豆一百六
十餘萬其間截漕召買發運接濟查欠催空頭
緒多端每當運事倥偬時部院餉道莫不嘔心
軼掌夜以繼日猶苦料理不給卽如去年八月

月間轉運愆期召買不至漕艘駢填零幫阻壓
該餉道張志芳星馳臨濟上下督儻出幫押尾
而北接兌而前往來跋涉數千里拮据經理匝
月餘而始克濟事此必非兼官之所能辦者矣
况津道之聯掌原自繁劇則餉道之難於裁併
誠不待再計者其他叅稽人事之有無屢經多
官之駁覈無容再議伏乞

勅下該部議覆將章偉尹承祖彭士昌各追贖充
餉章偉發邊衛充軍終身夏永錫鄭登雲革任

陳于朝耿應魁改調李延王三鳳于從利等
其餘事宜一併覆議施行庶弁後知懲而餉
克舉矣等因題奉

前旨相應酌覆案呈到部除餉道不必裁併已奉
明旨無庸復贅外該臣等看得津門歲輓百萬糧糈
以給關餉皆三軍之命脉億兆之膏血也方若
支持寧堪耗蠹先據威臣田弘遇所臚列各書
弁作奸犯科之狀真不勝髮指誠忠

國之極思而釐弊剔蠹之盛念也今經多官研審
臺臣叅覈如積胥章偉尹承祖彭士昌膽大包
天恣行素騙偉贓積至六百餘兩承祖士昌亦
不下八九十兩一戍二徙允伏厥辜守備陳于
朝耿應魁則有僨運之責者一任舟子之侵魚
半屬馮夷之漂沒咎實難諉今以微勞準過改
調爲倖中軍李延于總王三鳳守備于從朴則
封貼民船者調劑失宜難辭薄罰夏永錫援兵
之中軍也撫禦無方以致兵丁鼓譟鄭登雲僨

運之武弁也龍鍾潦倒聽憑狐鼠縱橫並擬請
任夫復何辭副將劉國柱到任在於調援兵議
之後居官有聲劄兵無據姑准留用以需後效
至於戚臣所議汰兵一款誠屬節省至意及查
天津督臣崔爾進兵財并困一疏已汰兵一千
七百餘名歲省兵餉二萬八千餘兩且疏稱汰
兵之道宜漸不宜速宜潛不宜顯則裁汰樽節
督臣自有機權似無庸責望一時以掣其肘矣
至於省腳價一款戚臣欲以天津登萊南海口

覺華島兵船抵充運艘不煩募造卽以水兵充
爲運卒不煩催覓於腳價誠省及接天津督撫
手札內稱兵船乃戰船式各不同一隻不過載
數十人豈能裝米又止三十九隻見在議脩卽
裝能幾何而以荷戈征夫生平不習波濤者用
於茫茫大海中萬萬不能也等語督臣身親其
事所見必真且運糧重務難強責以所不能似
不如仍舊之爲得也至關寧卹糧遠近分卹原
有成例旣餉臣回奏前來相應覆議上

請恭候

命下臣部行文督餉部院并督餉御史將各犯應遣
配者卽行追贓遣配應革任者卽行革任應調
用者咨行兵部調用應罰俸者罰俸應留任者
留任津兵已汰無容再議各營兵船照舊守汛
其各犯贓銀紙贖共該八百一十六兩二錢八
官充餉俱各遵奉施行

崇禎二年三月初五日具

題本月十一日奉

聖旨是欽此

通筭元年餉遼之數疏

題爲通筭元年餉遼之數彌憂臣部補湊之艱敬

陳梗槩以祈

聖鑒以明職掌事專理新餉山東清吏司案呈到部
爲照崇禎元年關寧奉折蘆密奏津新兵額餉
以及天啓七年找補銀兩俱已全完一歲之局
開報到臣該臣等看得遼事日延一日遼餉亦
日難一日以

國用耗於兵連民生疲於奔命也臣自去年八月

中甸受事度支竊見缺餉之數甚多外解之
甚少朝夕攢眉不知計所從出於是督催省直
則郵檄紛馳不敢辭勞清覈虛糜則查駁徃復
不敢避怨引繩批根直索已徃沉閣之帳必查
必扣不敢以姑息市恩因勢利導凡有近便救
急之途可抵則抵不敢以膠柱悞事而元年之
局始完按冊握筭本年歲出之數有可得而稽
指者以京運言之山海鎮月餉馬乾班軍鹽菜
等銀總用過一百一十三萬三千二百八十二

兩九分三釐五毫寧遠鎮月餉馬乾班軍鹽菜
等銀總用過一百七十二萬八千九百七十五
兩二錢四分二釐一毫薊鎮月餉等銀總用過
二十四萬二錢九分四釐二毫密雲鎮月餉等
銀總用過二十六萬一千二百四十四兩六錢
五分九釐六毫五絲永平鎮月餉等銀總用過
一十七萬八千三百八十兩九錢九分八釐七
絲二忽天津倉月餉等銀總用過九萬九千五
百四十四兩三錢四分二釐六絲六忽通糧廳

月餉等銀總用過六千六百一十七兩九錢五分一釐七毫京軍折色用過銀四千七十二兩九錢實計元年分共用過折色兵餉等銀三萬六十五萬二千一百一十八兩四錢八分一釐二毫八絲八忽以海運言之如附關召買及薊密等鎮豆價銀共用過二十一萬二千七百六兩六錢八分三釐五毫冬春草價銀用過一千兩天津運價葦席及加添腳價共用過三千一百一十八兩實計元年分海運等項共

過銀六十二萬九千八百二十四兩六錢八分
三釐五毫以召買言之發密鎮防兵召買銀一
萬五千兩發易鎮援兵召買銀錢一萬兩發昌
平鎮援兵召買銀錢一萬兩發通州援兵召買
銀一萬兩實計元年分召買共發銀四萬五千
兩至於薊鎮召買查其本色尚有餘貯未敢輕
發姑俟查清方行找補以元年代七年找補之
數言之發山海找補銀二萬五千二百八十兩
八錢一分發寧遠找補銀七萬五千二百三十

九兩九錢六分又找補七年馬乾銀三萬五千
九百二十兩發薊鎮找補銀五萬兩發密雲找
補銀二萬九千四百兩發永平找補銀錢四萬
二千九百三十三兩發天津找補銀錢七千八
百六十二兩又發密雲找給豆價銀九百八十
九兩七錢五分八釐實計元年分通共代發七
年找補銀二十六萬七千六百二十五兩五錢
二分八釐通筭本年實開銷過在部銀四百五
十九萬四千五百六十八兩六錢九分二釐七

毫八絲八忽內連

帑銀三十五萬以及庫所發銀局所發錢共得四百二十一萬五千一百四十三兩有奇此外銖銖積扣通融兌抵者三十七萬九千四百二十五兩有奇臣未到任以前發過銀兩除

帑金三十萬外止發銀一百七十五萬三千五百六十三兩有奇臣到任以後發過銀兩除

帑金五萬外實發銀二百一十一萬一千五百七十九兩有奇雖不敢謂轉輸不窮而臣之心血

亦已耗盡矣此外尚有動支雜項及兌發京
如保定撫屬改納米二十萬石廬鳳淮揚買米
九萬石每石價銀一兩

畿南霸屬東徐買豆三十四萬二千石每石價銀
五錢五分共該價銀四十七萬八千一百兩各
省直動支加派帶運遼米四十五萬石處處饑
荒見告米價騰湧開報雖未到齊大畧少不下
五錢以至六錢七錢多有至一兩外者非舊
簡明冊約數所能限也截長補短約用銀三十

三萬一百四十兩以上共該開銷省直銀八
萬八千二百四十兩內有京邊舊餉銀在內
之開銷在部銀四百五十九萬四千五百六
十八兩六錢九分二釐七毫八絲八忽實通
用過銀五百四十萬二千八百八兩六錢九
分二釐七毫八絲八忽內除代發七年找補
銀二十六萬七千六百二十五兩五錢二分
八釐實爲本年用者五百一十三萬五千一
百八十三兩一錢六分四釐七毫八絲八忽
而崇禎元年之局

始完若東江島餉除漕米十萬外已照題定額開銷月餉銀二十三萬五千二百兩官廩運價等項四萬七千五百兩補買米六萬八千石該價銀五萬二千三百六十兩實用月餉米價官廩運價共銀三十三萬五千六十兩而議額在後運事在前津門已照先年舊額多用過運價等項一萬兩無從追補應并准其開銷此又崇禎元年島餉之實數也以一隅之兵餉而用度至此

國家安得不窘以不滿四百萬之額入而額出至此臣部安得不苦哉至於二年餉務則有倍難元年者臣百方措發寧遠正月之餉時止發過一十一萬山海正月之餉時止發過六萬二千九百且去歲無閏而今歲有閏也去歲開鎮庫藏尚有年前宿貯逐款查明便逐款扣抵今歲查扣已盡毫釐皆仰給於新庫也去歲雖爲七年代找今歲亦爲元年代找而始得竣事也臣鼯鼠之技益窮愈不知計所從出矣每年春夏

之交支持益苦今歲閏在四月又屬青黃不接之時奴烟叵測兵糈可虞除元年以前舊欠已經移文省直撫按催令起解并自行回

奏外伏乞

皇上俯鑒去歲補奏之艱厯念將來接濟之苦亟勅各該省直速將臣部題定預徵三分銀兩并雜項各款銀兩刻期起解以解然眉再查臣部預徵疏內有云地方最近如河南山東山西等處爲呼吸相通之地引領爲正月用者顧於三省屬

望今時屆三月止山東省解到預徵銀五萬若
河南省則急公有素當無再俟督催至山西省
臣部雖於恭報水旱災傷疏內有新舊錢糧春
末夏初暫行停緩等語此止就京邊而言若加
派遼餉則閔寧續命之膏難需瞬息且預徵之
議臣部題

准於去年十一月之初開徵已久原不在近日停緩
之列不得不一拈出以速其濟急也臣不勝悚
惕屏營之至

崇禎二年三月初七日具

題本月初十日奉

聖旨據奏元年完過遼餉并今年正月新發數目知道
了以後務期接濟各省直預徵加派并襍項各
款銀兩刻期起解不得怠玩其山西省并不得借
該部䟽一槩停緩預徵遼餉原不在停緩之例該
撫按還與申飭欽此

舊逋未完新額又集疏

題爲積逋如故回

奏無期舊歲之缺餉未完春正之新額又集懇乞
特旨責成以拯危遘事專理新餉山東清吏司案呈
崇禎二年二月初五日奉本部送戶科抄出該
本部題前事本年二月初一日奉

聖旨省直各官屢經申飭拖欠如故卽年終回奏亦
奉旨杳然好生違玩你部便將拖欠最多撫按官
叅來議處該衙門知道欽此欽遵抄出到部送司

奏呈到部該臣等看得財賦雖筦於臣部而事權實操於省直省直不應則轉輸無策所恃以儆積玩之人心止憑此必伸之

功令耳蒙

皇上洞鑒臣部之苦因臣積逋如故一疏

嚴旨特頒命臣將拖欠最多撫按官叅來議處臣欽奉

明命旋即移文省直宣播

皇上法無輕貸之意一面簡查冊籍較量完欠多寡

之數除河南山東山西福建廣西等省元年分
已全完外臣原疏查拖欠較多者爲南直隸今
查應天撫屬原欠二十三萬八千有奇今續解
到并開銷買米銀共一十七萬五千有奇未完
銀六萬三千有奇鳳陽撫屬原欠一十七萬四
千三百有奇今續解到并開銷買米銀一十五
萬五千八百有奇未完銀止一萬八千五百有
奇該撫如曹文衡李待問到任未久按臣王道
直尚未履任而加意督催則猶按臣田唯嘉范

良彥之力也江西省歷歲一年臣原應查欠銀
年分銀一十七萬有奇今續解到銀十萬六千
未完銀六萬五千五百有奇該省舊撫臣楊和
憲舊按臣劉述祖皆已離任新撫臣魏照乘新
按臣范復粹皆以元年冬未到任似應行令盡
數催完未可遽行叅罰至於拖欠最多者則浙
江一省蓋浙江原額加派銀四十二萬有奇元
年分已解到部者止八萬五千又開銷米價
萬一千四百兩實未完銀二十七萬三千八百

七十二兩有奇該省撫臣張延登懼水災請戎
事朝拮夕据東奔西馳所借以分猷共念督率
催科者惟按臣是賴及查該省按臣前此爲徐
百久已離任後此爲吳阿衡尚未受事巡方久
無其人無怪乎州縣之泄泄從事也及查臣部
向無叅罰撫按舊例而藩司一官筦通省錢糧
提綱挈領實考課所宜首加者節據浙江布政
司預報起解新餉銀二十萬已逾三月到部杳
然看得左布政使董承詔有持籌飛輓之責乏

同舟共濟之誼玩惕已彰職掌何解應始令
俸俟元年餉銀全完方與開復庶可以儆人
於萬一也仍乞

勅下臣部移文各該省直撫按鹽臣遵照

前旨將該解銀兩扣數起解將完欠數目併雜項各
欵查照原題事理著實具疏回

奏一體催解以拯危疆始克有濟目下督餉御史
錢士貴已行文省直查取職名照例叅罰督餉
尚書袁崇煥復移文臣部查完欠數目照去年

題

准新例計數查叅

功令嚴密無逾此時倘省直諸臣仍前泄泄以致
無逃白簡是自貽伊戚也臣不勝惶悚待

命之至

崇禎二年三月十三日具

題本月十六日奉

聖旨這拖欠元年遼餉應天鳳陽江西該撫按照數
作速督催完解不得再稽浙江拖欠獨多豈得以

水灾借口董承詔職司何在着任俸督徵完
許開復其預報起解銀二十萬兩已逾三月如
尚未到部該撫按確查具奏欽此

題議工部分餉二十萬疏

題爲關鎮呼庚甚迫水衡責望彌深敬陳不敢爭執之衷并述不能應承之實以祈

聖鑒事專理新餉山東清吏司案呈奉本部送准工部咨題爲軍需四面疾呼庫藏一毫莫措懇乞聖明睿斷立還本項之所固有以便刻期接濟以無悞

宗社大計事等因奉

聖旨軍需正亟前加孤錢糧除九萬外其十一萬著

并歸該部事例三分收納還照舊行軍器營
僨造務要精良不得但取充數徒滋冒破仍着
季奏報完數以憑查覈侍郎畢懋良劉可法速
到任共資料理該衙門知道欽此又奉本部送
工部咨該工部題前事奉

聖旨該部軍需甚急着照天啓六七兩年例戶部庫
給六萬卽行山西布政司徑扣六萬解戶部庫
收分造俟袁崇煥疏到酌議大同稍費火器如
查發欽此欽遵備咨到部通送到司案呈到部

照工部分餉於臣部始自萬曆四十八年
二十萬坐派鎮江廬州鳳陽加派銀內徑解
部天啓元年坐撥浙江八萬山西四萬陝西四
萬河南四萬以足其額俱經工部于該地方支
用至天啓二年以川黔告變

畿輔告蠲遼餉缺額臣部前任尚書汪應蛟題
准歸併而二十萬盡充臣部兵餉之用矣至天啓四
年工部復索分餉於臣部於是有會議之

旨部科議令臣部認還十四萬然亦止於山海還

銀內那十萬應之未能足數亦未能庫發
至天啓六年工部復以軍需告急索之臣部
時臣部累疏陳控復奉

旨着戶兵工三部確議臣部不得已借老庫銀四萬
坐派五年舊欠銀山東五萬山西二萬一千陝
西二萬九千以足十四萬之數天啓七年工部
又以六年爲成例取用於臣部臣部又不得已
一借老庫銀六萬坐派山東三萬山西二萬陝西
三萬以足十四萬之數至崇禎元年工部索取

甚急臣部支持益難交章爭執蒙

皇上勅下部科會議隨經虛公商確兩酌其平議
部每年與工部銀九萬坐派山西二萬河南二
萬陝西二萬江西三萬徑解工部以足九萬之
數業奉

俞旨謂可遵守勿失矣不虞今日復更端而起也臣
恭從

召對間竊見

皇上計周恢復於器械一事諄諄留意遂不敢過爲

爭執乃工部既得二十萬之數未已也復撥
七兩年例向臣部先索六萬而坐派地方又
於河南山西各得十萬夫六七兩年權宜措
皆請

肯借動老庫之銀今老庫已如洗矣借無可借矣若
省直解到餉銀隨到隨發開寧正月之餉止歷
過一十七萬有奇日來儘力湊處以接濟節
而密永津正月餉允發尚無幾也羽書告急
口噉噉旬日以來外解中斷方自憂之不暇而

能憂人之憂乎昨江西省欠工部元年分餉銀
三萬兩臣停關鎮之餉不發而那發工部亦仰
體

皇上之焦勞勉效同舟之共濟豈臣部果屬有餘可
以環中四應乎至於坐派地方歷來分派各省
原有深意夫亦謂遠近適均不致偏累而河南
山西兩省呼應稍便又臣部所恃以通緩急救
焚溺者也若工部據而有之於器械得矣其如
執器械者之脫巾何自天啓二年分餉歸併以

後兩部無年不相持無年不會議而終無以
十萬應工部者豈前乎臣者之好爲爭執亦以
身處漏卮之中必不能假人柁楫今日時勢較
前人萬倍艱難而舍已田芸人田臣此時亦不
知何以自策事在可從法期可久聞遼左器械
所費亦止二十八萬則以二年之二十萬加以
三年之九萬似已綽綽乎有餘裕者况有元年
之三萬乎是則二十萬之數足當以一年爲止
以濟遼餉之窮者也伏乞

皇上俯照萬曆四十八年及崇禎元年原議成例坐撥山西四萬陝西四萬河南四萬浙江四萬江西四萬以足二十萬之額聽工部自行催解令各省徑起文赴工部交收止將起解數目日期開報臣部以便查覈考成其他遠小省分如福建廣東廣西等處寧臣部自認而自催之不以累工部也此後一切軍需併

勅工部自行料理無再責望臣部預發致悞軍

國大事其二十萬之議定以一年爲止情理相揣

甘苦相濟諒工部不忍終爲望蜀之舉
部以不可救藥之苦也臣無任悚息待

命之至

崇禎二年三月十三日具

題本月十六日奉

聖旨軍餉器械總屬急需前旨戶給六萬還一面措
處奏濟仍速行山西布政司勒限補解違悞參
派數今歲江西減派二萬明年果軍需完足另行
酌議該衙門知道欽此

題覆錢法堂謹抒一得疏

題爲邊儲告急錢法日壅謹抒一得以廣利源以
禪

國計事專理新餉山東清吏司案呈崇禎元年十
二月二十五日奉本部送戶科抄出該本部覆
原任督理錢法侍郎孫居相題前事等因本年
十二月二十三日奉

聖旨制錢上下畫一以一錢二分五釐爲準務要輪
郭周正磨鎔精澤與私鑄迥然不侔自無揷和之

弊該管官不得苟且塞責鑄本按季發銀卽按季
交銅說得是但發銀在各關交銅在錢局事非
手恐仍滋奸竇何如收銀到部局發局交更便查
覈該部再行確議具奏崇文課鑄另欸登荅及
辦鉛石如議行欽此抄出到部送司當將鑄本一
節案呈本部移咨督理錢法堂查議去後又該
南京戶部署部事南京工部右侍郎張守道題
爲興利不若節賀省事不如省官懇將南都鼓
鑄督理銅務二差併歸南部罷遣北差以節冗

費以清弊蠹事崇禎元年十二月二十四日奉
聖旨戶部知道欽此又該南京戶部署部事南京工
部右侍郎張守道題同前事崇禎二年二月十
二日奉

聖旨這條奏有裨銅務該部卽與議覆欽此欽遵通
抄到部送司類覆間奉本部送准署督理京省
錢法本部左侍郎李成名咨稱鼓鑄之弊日滋
而利乃漸微何也本虧於商役之欺騙息耗於
銅鉛之多缺也

明旨謂收銀到部局發局交稽查既嚴解運無誤
救弊之急着矣但一解一收有領有發其時且
之耽延運脚之煩費道路之踈虞衙役之勒索
且不必言而發於京商京商未必皆可信且有
詭託京商假文假印如黎旭初胡象泰者尤不
可不防也南京銅差雖裁見有南部主事畢生
輝接管其已定之規條必能尋端見委况已用
之商役正如駕熟就輕故局中止司其鼓鑄而
解運銅鉛務期接濟仍宜責之南部奏辦銅本

務期如額仍宜責之各關如督解延緩發銀稽遲定行叅處庶義無他諉而事乃克濟矣然目前需銅鉛甚急暫留臨清河西淮安揚州四關之銀選委爐頭允領採買其潯墅北新九江三處卽徑解南部畢主事照舊募商刻限督運俟銅鉛充足并前四關額銀皆歸於南則計之甚便而可久者至崇文門鑄本一萬兩不必解局但有所須用協佐該司呈堂批行照數給發亦不得任意稽緩以致悞事承領各商一年兩轉

俾有餘地鼓舞人情亦當如此等因到部送
相應酌覆案呈到部該臣等看得

國家借鼓鑄權子母以佐軍興故不惜捐厚貲爲
鑄本邇來商役欺騙而本漸耗銅鉛不繼而利
漸微誠不可不亟爲之計者昨奉

明旨首覈鑄本解銀到部局發局交蓋謂事經一手
易於稽查

聖慮周詳無微不至矣臣卽咨會署理錢法侍郎李
成名從長酌議以求確當之法今據督臣咨請

大約以銅鉛產於金陵荆楚之間如令各開解
銀於部復發銀於南非惟携資往來多費轉折
抑且京商射利豈盡善良見有南部主事畢生
輝接管銅差則責成非乏人也合如督臣議局
中止司鼓鑄凡督率商役辦運銅鉛委之南部
發銀如額接濟銅本責之各關仍以完欠遲速
定功罪則典衣典冠各有攸司彼此相成事乃
克濟誠經久之至計也目前所需銅鉛甚急勢
難停爐以待督臣議留臨清河西務淮安揚州

四開額銀共五萬二千五百兩選股買爐頭
行允領急買銅鉛潯墅比新九江三開額銀
萬七千五百兩徑解南部畢主事聽其募商
運俟銅鉛充足併臨清等四開額銀皆歸南
督買此論緩急酌經權以裨鑄務所當依擬
行者也至於崇文門課銀一萬兩原議解局
發以爲零買古錢襍銅之用另款登答期於
年三轉得三倍之利今該局以近日京師襍
缺必必向外省收買恐各商以時迫不肯承

寬以一年兩轉似應准從若夫銅差節目之詳南部見有條議如

勅書應換給解運必如期考成歸臣部革冗役冗費以示樽節勸懲各商招來素封之家以示鼓舞均於銅務有裨相應依擬以觀厥成者也至於南部銅本之議以他關寫遠惟北新淮揚九江潁墅與南部較近欲專坐之甚爲便計近北新九江潁墅三關之稅督臣業已議撥南部惟淮揚河西務與臨清稅課暫准該局兌買姑俟銅

鉛充足之日合併歸南業有成議可無再請
既經具題并咨覆前來相應覆

請恭候

命下臣部移文各該衙門一體遵奉施行

崇禎二年三月十八日具

題本月二十一日奉

聖旨是欽此

題請差官守催臨德米折疏

題爲臨德折米年分已奉

明旨二年預徵銀兩亟資近地懇乞

俯允差官守催以解關鎮危急事專理新餉山東清

吏司案呈崇禎元年三月十七日奉本部送戶

科抄出該本部題爲關寧餉缺無厝臨德積欠

宜清祈

勅撫按將本倉按年已徵未解額銀清數起解以濟

燃眉事本年三月十三日奉

聖旨臨德兩倉積欠皆因官吏侵欺該倉司卽清
自天啓元年以後完欠實數報部督催起解其
本色着以崇禎元年爲始務釐積弊及期全完毋
得違玩欽此欽遵抄出到部送司案呈到部該部
等看得科臣劉安行臨德二倉以折之議初奉
明旨原限該省撫按一月內備查歷年欠解及額折
銀數清冊報部仍嚴催各糧官將原領銀兩連
繳布政司轉解新餉庫

法令可謂嚴矣經今五月河南省止據開封衛輝

南陽并汝州冊報自天啓二年起至七年止共
欠米折銀一十四萬六百六十七兩而歸德彰
德懷慶河南汝寧五府尚無細數事同一起豈
開封等府獨應急公而河南等府可終歸藏匿
乎且一十四萬六百六十七兩之中又止解七
萬一千四百六十八兩一錢六分五釐豈原領
銀糧官有繳有不繳致該司有解有不解乎由
東省止查有天啓六七兩年共未完臨德二倉
米折銀五萬五千六百八十三兩九錢天啓五

年以前據稱一時難以清楚豈六七兩年便
已徵在官而五年以前盡係拖欠在民乎且
萬五千六百八十三兩九錢之中又止解部
萬二千八百七十五兩三錢七分八釐豈已徵
在官者尚可有解有不解乎前此猶得以年分
未定爲借口也今奉

明旨米折自天啓元年以後督催起解而本色以崇
禎元年爲始徵收矣未定年分在先弊在從違
觀望恣意遷延既定年分之後弊在兩不照管

乘機隱漏應急催該倉遵奉

明旨卽將完欠實數造冊報部不許分毫遺漏仍容
臣部差司官一員詣兩省司府守催起解據科
臣原疏內稱可得數十萬其爲數固不貲也在
山東係該州縣自行運解應州縣徹底清楚在
河南係州縣徵解本府轉發糧官糴買交兌前
項銀兩不在府庫則在糧官絕無拖欠在民科
臣身親其事言之甚詳且銀係見在與新議徵
收不同是在各該布政司加意督催各該府州

縣真心搜剔庶幾有濟急用而科臣改折之
始不托諸空言矣近緣關寧月餉自正月後
鮮斷絕幾於三月無餉臣部望眼欲穿補葺
策惟恃兩倉米折以爲續命之膏非第僅如
梅盡餅已也至於加派銀兩預徵三分臣部
已於舊年十一月內題

准行文知會今止山東鮮到五萬而河南分毫未鮮
合併責成差官督催起鮮定限四月中旬守備
及額方准回部完欠數目查照前奉

明旨自行回奏逋欠有司從重叅罰本官如能守催
通完或八九分以上卽與優敘紀錄毋徒任意
旋里致悞軍

國大事今查有本部雲南司主事康姬鼎在任空
閑堪以差委伏乞

勅下臣部給劄本官前往山東河南兩省守催米折
及預徵加派銀兩其京邊錢糧并令邊餉司給
劄行催仍移文兵部填給勘合以便星夜前往
督催施行

崇禎二年三月二十日具

題本月二十三日奉

聖旨是欽此

題請差官守催新餉疏

題爲預徵新餉愆期不至新復監允催解恐違伏
乞暫

允差官守催以急救饑軍事專理新餉山東清吏司
案呈崇禎元年十一月初九日奉本部送戶科
抄出該本部題爲遼餉萬分匱乏循例申明預
懇懇乞

聖明勅令省直作速徵解以濟軍需以佐捷伐事奉
聖旨朕蠲免舊通專爲併力完新這新餉預徵十分

之三卽行該省直作速開徵遵限起解如過限不
解卽便指名摘叅併罪及撫按亦不許加徵火耗
重困小民如違必罪不宥該衙門知道欽此臣隨
卽遵奉

嚴旨行文各該撫按暨布政司知會矣夫此預徵之
法專爲冬春之交接濟不前故蚤爲之所今屆
暮春猶然不解又何貴於預徵臣所安排爲正
二月用者竟不應手又何疑於匱乏昨雖奉有
欽依將新餉錢糧并着監兌督催以免差官之擾

監兌一差新經題復目下拮据漕糧尚無頭緒
且程有遠近未必遽到地方事屬更始恐難責
成一旦除河南山東兩省預徵遠餉已經具題
總差催米折司官一併催解外他如山西省已
報起解廣西省額數不多陝西省流賊未靖容
臣嚴檄差人提催暫免差官外其餘省直合無
仍照往例遴選本部司官三員星馳督催起解
倘完解如額如期差去司官與各省直司府同
題紀錄司官仍於回部之日量與優差以酬其

勞完不及額者司府各官從重參罰庶人心知
儆飛輓自速矣抑臣於此尤有說焉省直一切
錢糧開徵先後各處不齊惟遼餉則先月預徵
如出一轍故春季限完三分春夏二季限完六
分至年終則期於十分全完屢經題

准在案今夏季將臨而春季應解之數未到是明明
壓一季矣一季壓則無季不壓積月壓季積季
壓年悠悠忽忽必至於士卒交呼投袂四起釀
成大變而不可救藥是在

天語叮嚀再

轉各該撫按嚴檄司府定須多方措解務於本年六月以裏完足本年加派六分庶臣得藉手以補足關鎮春季之餉向後額餉按月接濟庶保無虞各差司官俱限七月初將六分催完預先馳報臣部仍卽回部查照近例自行回

奏以終催差之局以表賢勞之實至來歲監兌漸有成規督催應有實効可無煩

聖明之特遣矣伏乞

勅下臣部分差司官各詣省直守催新餉并帶催
項銀兩刻期起解其京邊錢糧并令邊餉司給
劄行催容臣移文兵部填給夫馬勘合以便星
夜遄往施行

計開

南直隸江南江北差福建司主事崔應登
浙江福建差四川司主事張士良
江西廣東差陝西司主事羅應許

崇禎二年三月二十一日具

題本月二十四日奉

聖旨預徵新餉已有明旨如何春季尚未解到這南
直等處著選委司官崔應登等前去作速嚴催起
解務于六月內完足六分七月初差官將完過分
數先具報部俟回日自行回奏有無完額并在外
司府各官依議勸懲該撫按官仍不時嚴催司府
多方措解如有怠玩罪責難諉舊餉并着邊餉司
給劄行催差去司官兵部卽填給勘合以便過往
不得遲延欽此

題覆督餉關運効勞疏

題爲元年關運事竣謹遵例

奏報并查敘在事效勞文武官員以昭激勸事專
理新餉山東清吏司案呈崇禎元年十二月二
十四日奉本部送戶科抄出督理遼餉天津部
院崔爾逸題前事等因本年十二月二十日奉
聖旨戶部知道欽此欽遵抄出到部送司案呈到部
該臣等看得關寧本色全憑海運先該臣部額
派崇禎元年分該鎮糧料共一百六十九萬五

千四百七十石而取資於帶運截漕存倉糶糴
召買認納等項頭緒不啻絲棼兼以海濤險阻
風颶靡常汎舟之役良未易竣也運事告成例
有題叙今督餉部院具疏

上聞其於關門內外凡已獲實收未獲實收之米豆
並飄失撈救之船糧撥赴起卸之信地催督積
運之艱苦設處官民之運艘逐欸臚列疏奏詳
明則提綱握筭督臣之勞苦功高裨益於封疆
者大矣其應敘各官臣遵奉

明旨新例不敢綴入駢語謹按原疏而闡揚之在京
司屬則本部專理新餉山東司郎中范鑛心同
止水才類轉環經營本折胥有成筭故能咄嗟
立辦舳舻飛馳在天津司屬則監督天津糧儲
賁理遼餉主事樊維城甫蒞津門輒能厘奸剔
蠹任怨任勞潔已服官克肩重務先任餉司郎
中今陞專理省直遼餉淮糧兵備僉事宸志芳
繇糧儲轉餉道熟路輕車且其督運之勤不磷
之守人心咸服在各餉司則陞任專理關外糧

儲郎中喬巍保障中右艱苦備嘗寧錦之難
賴接濟允稱才守并著見任專理關外糧儲
中王楫先裁冗員冗役以爲舉倡歲省不貲其
一介不苟之操尤令人不可及見任專理新餉
山海署郎中事主事閻顧行慈祥以馭三軍恩
同挾纊而律已甚峻允發甚公口碑在道原任
山海專理新餉主事王建侯持身清介刻意節
省支放有法能令兵心帖服弭變未然監督德
州倉糧儲主事徐天鳳司庾能革宿蠹屏陋規

竭蹶急公共襄運事軍糈實嘉賴之陞任監督
臨清倉糧儲員外郎何意饒有才具而濟之以
清心故發運獨先不致艤舟待粟見任監督臨
清倉糧儲主事鄭廷揖遇事敏練兼能恬澹自
處其於運務一節靡敢怠遑隨呼輒應在各道
則關內監軍兵備道左布政使孫穀經綸夙著
人心皆爲嚮服雖受事關門無幾而軍民咸懷
去思天津兵備道右叅政石聲諧百萬漕糧八
營兵卒皆頓整理非粹品弘才未易辦此督理

漕儲道右叅政周鼎拮据督運勞績丕著亦
白意卽隨運軍旂無不感服寧前兵備道副使
郭廣自愛其鼎并能愛人故革兵心定異變
弭而解展錯有餘其他府佐等官除管糧通判
李森管理山海海運通判趙宋儒管理前屯糧
務通判劉應鶴或經劣轉或候行查改選未敢
槩敘外如兵糧同知王秉衡飲冰自矢勤劬職
業勞績難泯署理寧錦糧務通判事經歷查維
憲并效奔走克明出納以上各官所當咨部叙

緣從優陞擢者也在武職等官除總運都司耿
應魁催運都司于從朴護糧都司鄭登雲督餉
守備李延總運守備陳于朝或叅覈罰俸或改
調革任不應再敘又副總兵劉國柱正旗鼓都
司韓嗣增雖已查明應候督臣另敘外如天津
部院標下中軍遊擊張其功署總理津淮海運
遊擊張允昌鎮海營遊擊張萬春振武營都司
唐詩天津部院標下管副中軍加銜都司朱良
將提塘都司查應才天津部院標下加銜都司

諸葛晉明標下管旗鼓守備姜望潮內司
程子願天津餉司中軍守備李應登天津道
軍守備曾永業天津督餉道中軍加銜守備
一凱天津道旗鼓官佟天倪字字後號運官趙
鳳來洪字前號運官高登俊柔字號運官李文
盛熙字號運官陳宗錦萃字前號運官梅宜春
永字號運官邱進忠昌字號運官羅賢嗣以上
各官既饒英敏有裨運務所當各部一併優敘
者也既經會題前來相應覆

請恭候

命下將已獲實收者聽關門內外支放開銷守凍未
獲實收者勒令運赴信地另具實收繳報遭風
飄失者照例每船追其腳價十分之六抵償起
却掛欠與撈救者在於船戶名下追補飄損船
隻俟錢糧有餘另行脩造司道府佐武弁等官
分別紀錄優敘庶人心知奮而運事益速矣臣
等不勝悚息待

命之至

崇禎二年三月二十四日具

題本月二十七日奉

聖旨是欽此

題覆督餉鮮運効勞疏

題爲元年鮮運事竣謹遵例

奏報并敘在事效勞官員以彰激勸事專理新餉

山東清吏司案呈崇禎二年二月十九日奉本部送戶科抄出天津督餉部院崔爾進題前事又奉本部送戶科抄出督餉御史錢士貴題同前事各等因於本年二月十六日俱奉

聖旨該部知道欽此欽遵抄出到部送司案呈到部除軍需等項應聽兵工二部查照外該臣等看

得東江之役萬頃茫然從蒼煙縹緲之鄉爲難
輪接濟之策亦艱且危矣是以舠運之始遂經
題

准各幫船糧等項十到七八便稱首功遵行在卷全
按天津督餉部臣崔爾進會同督餉臺臣錢士
貴疏稱糧數布疋合之總兵毛文龍實收已足
九分七釐之數司道廳將及統運各官皆險阻
備嘗勞績懋著委應照例優敘以示激勸在文
職如監督天津糧儲贊理遼餉主事樊維城先

任餉司郎中今陞專理省直遼餉淮糧兵備參
事張志芳天津兵備道右叅政石聲諧兵糧同
知王秉衡在武弁如鮮運遊擊張允昌該臣部
覆督餉部院元年開運事竣疏已經題敘不贅
外若總理鮮運加銜叅將王學易平遼總鎮標
下坐營收糧副總兵陳繼盛王字號運官遊擊
胡遠四字號運官遊擊王應龍明字號運官遊
擊俞明寧字號運官守備羅元霖在字號運官
把總孫大枝天津部院標下聽用叅將高翽標

下聽用都司佟齡標下加街守備只啓濬天津
道副中軍加街守備賀盛明督餉道旗鼓方應
麟天津部院標下諮謀鎮撫吳友仕盛明宜餉
司領餉副千戶林文科海防水營千總賈鴻臬
以上各弁皆於轉輸鮮運有功題敘具載舊例
委當一體薦揚以備紀錄推用者也至於恢宇
號運官王道隆海道未詣運務多疎雖經斥革
仍應查追失風糧械以示懲創者也既經會題
前來相應覆

請恭候

命下移文督餉部院及督餉御史已獲實收者准與
開銷遭風飄失救存者照例查補仍咨吏兵二
部將效勞司道廳將領大小等官分別紀錄施
行

崇禎二年三月二十四日具

題本月二十七日奉

聖旨是欽此

題覆東撫減運鮮糧疏

題爲偏地苦累獨重懇乞減運鮮糧事專理新餉
山東清吏司案呈崇禎二年正月初十日奉本
部送戶科抄出山東巡撫王從義題前事等因
本年正月初一日奉

聖旨該部知道欽此欽遵抄出到部送司案呈到部
該臣等看得遼禍滋蔓買運艱難東省之民皆
困而登屬爲甚則以瘠土之收穫有限諸務之
責備無窮也今據該撫題稱鮮運本色原額土

萬奉

旨止運八萬石所減二萬議令登減一萬青萊共減
一萬多寡調劑總屬苦心雖臣部覆議東江餉
額於八萬之外再派買米八千及查崇禎元年
東省多運過東江米七萬七千六百四十九石
應扣作二年發運之數今止再補東江米一萬
三百五十一石便足結東省一歲之局悉聽該
撫自爲調劑以休息此一方民可耳至若海運
通判委應裁革一應俸薪供應以及衙役工食

等項俱屬節省所當通查清楚逐項

奏報解部充餉者也其通判劉雲龍履任未幾應
否填補萊州府通判何哲員缺事屬銓部合咨
該部另行酌覆既經具題前來相應覆

請恭候

命下移文各該衙門遵奉施行

崇禎二年三月二十五日具

題本月二十八日奉

聖旨是該衙門知道欽此